


蘇軾著

蘇東坡全集

世界書局印行

不能書

中華民國二十五年四月初版



發行所

上海及各省

世界書局

版權所有 不准翻印

出版者

國學整理社

發行者

世界書局

印刷者

上海大連灣路
世界書局

蘇東坡全集

(全二冊)

實價

(外埠酌加運費匯費)

清

東坡續集卷第一

古詩

靈上訪道人不過

花光紅滿欄。草色綠無坼。不逢青眼人。長歌白石澗。

送淡公二首

燕本冰雪骨。越淡蓮花風。五言雙寶刀。聯響高飛鴻。翰苑錢舍人。詩韻鏗雷公。識本不識淡。仰詠嗟無窮。清韻生物表。朗玉傾壺中。常於冷竹坐。相語道意冲。崧洛興不薄。稽江事難同。明日若不來。我作黃石翁。何以兀其心。為君學虛空。

坐重青草公。意合滄海濱。渺渺獨見水。悠悠不聞人。鏡浪洗手淥。剡花入心春。雖然防外觸。眼前遶衣新。行當譯文字。慰此吟慙慙。

北歸次韻

秋風捲黃落。朝雨洗淥淨。人貪歸路好。節近中原正。下嶺獨徐行。艱難一作未敢忘。遙知封孫子。已致魯諸生。

韓氏三席秉樞極。中有一席似偉節。端居隱几學無心。夙駕入朝常正色。犯時獨行太喂囁。田天不忌真藥石。輦致歸來荷二聖。推排使至有衆力。吾儕小人但飽飯。不有君子何能國。西湖醉卧春水船。如何益一作作豐年。

鴨頭春水濃如染。水面桃花弄春臉。衰翁送客水邊行。沙襯馬蹄烏帽點。昂頭問客幾時歸。客道秋風落葉飛。繫馬綠楊開口笑。傍山依約見斜暉。

琴枕

清眸作金徽。素齒為玉軫。響泉竟何用。金帶常苦窘。爛斑漬珠淚。宛轉堆雲鬢。君若安七絃。應彈卓氏引。

黃州

南山一尺雪。雪盡山蒼然。澗谷深自暖。梅花應已繁。使君厭騎從。車馬留山前。行歌招野叟。共坐青林間。長松得高蔭。盤石堪醉眠。祇樂聽山鳥。携琴寫幽泉。愛之欲忘返。但苦世俗牽。歸來始覺遠。明月高峰顛。

常山贈劉鋹

劉侯年少日。駿馬拊便面。援弓鴈自落。不待白羽貫。

古風

精神洞元化。白日昇高旻。俯仰凌倒景。龍行速如神。半道過紫府。拜謁聊逡巡。金床設寶几。璀璨明月珎。仙者二三子。眷然骨肉親。飲我霞石盃。放盃恍如春。遂朝玉虛上。冠劍班列真。無端拜失儀。放棄令自新。雲霄難遽返。下土多埃塵。淮南守天庖。嗟我復何人。

遊杭州山

山平村塢迷。野寺鍾相答。晚陰失林莽。一作抄落日猶在塔。行招兩社僧。共步青山月。送客渡石橋。迎客出林樾。幽尋本真性。往事聽徐說。錢王方壯年。此邦事輕俠。鄉人鄙貧賤。異類識英傑。立石像興王。遺址今岌業。功勳三吳定。富貴四海甲。歸來父老藏。崇高畏傾一作輕壓。詩人工譏病。此欲恣挑抉。流傳後世人。談笑資口舌。是非今已矣。興廢何倉卒。持歸問禪翁。笑指浮漚沒。

遊三遊洞遊洞之日有亭吏乞詩既為留三絕句於洞之石壁明日至峽州吏又至意若未足乃

復以此授之

一徑遶山翠。縈紆去似蛇。忽驚溪水急。爭看洞門呀。滑磴攀秋蔓。飛橋踏古槎。三扉迎北吹。一穴向西斜。歎息煙雲去。追思歲月遐。唐人昔未到。古俗此為家。洞暖無風雪。山深富鹿猴。相逢衣盡草。環坐髻應鬢。

竈突依爨黑。搏罌就石窪。洪荒無傳記。想像在犧媧。此事今安有。遺蹤我獨嗟。山翁勸留句。強為寫槎牙。

穆父新涼

家居妻兒號。出仕猿鶴怨。未能逐什一。安敢搏九萬。常恐樗櫟身。坐纏冠蓋蔓。受恩如負債。粗報乃焚券。但知眠牛衣。寧免刺虎圈。清風來既雨。新稻香可飯。紫螯應已肥。白酒誰能勸。君今崔蔡手。政比張趙健。三公行可致。一語自先獻。幸推江湖心。造我魚鳥顛。

無題

引手攀紅櫻。紅櫻落如線。仰首看紅日。紅日走如箭。年光與時景。頃刻互衰變。何當血肉身。安得常強健。人心苦執迷。富貴憂貧賤。憂色常在眉。歡容不上面。吾今頭半白。把鏡非不見。惟應花下盃。更待他人勸。十一月三日與幾先自竹西來訪慶老不見獨與君卿供奉蟾知客東閣道話久之惠州追錄

古意

兒曹鞭笞學官府。翁憐兒癡旁笑侮。翁出坐曹鞭復呵。賢於群兒能幾何。兒曹鞭人以為戲。公怒鞭人血。流地等為戲劇誰復先。我笑為翁兒更賢。

次子由詩相慶

我似老牛鞭不動。兩滑泥深四蹄重。汝如黃犢却走來。海關山高百程送。庶幾門戶有八慈。不恨居隣無二仲。他年汝曹笏滿床。中夜起舞踏破甕。會當洗眼看騰躍。莫惜癡腹笑空洞。譽兒雖是兩翁癖。積德已自三世種。豈惟萬一許生還。尚恐九十煩玆從。六子晨耕簞瓢出。眾婦夜緝燈火共。春秋古史乃家法。詩筆離騷亦時用。但令文史還照路。一作世。冀土腐餘安足夢。

用定國韻贈二十姪震

衡門老苔蘚。行栢千兵屯。開樽邀落日。未對烏鳥言。清風舉吹籟。散亂書秩翻。傳呼一何急。人馬從車奔。

貧居少賓客。隣婦窺籬藩。牆頭過春酒。綠泛田家盆。比來伏青蒲。坐捉白獸樽。王猷修潤色。亦有簿領煩。朝廷貴二陸。屢聞天語溫。猶能整筆陣。媿我非韓孫。

正輔既見和復次前韻慰鼓盆勸學佛

稚川信一作長生。少從鄭君游。孝章偶不死。免為文舉憂。餘齡會有過。一作獨往豈相攸。由來警露鶴。不羨撮蚤鷗。願加視後鞭。同駕躅空輈。寧飡脫齒莖。勿憶齊眉羞。何時遂縱壑。歸路同首丘。東岡松柏老。西嶺橘柚秋。着意尋彌明。長頸高結喉。無心逐定遠。燕領飛帟頭。君方卒功名。一泛范蠡舟。我亦露濡渥。漸解鍾儀囚。寧須張子房。萬戶自擇留。猶勝嵇對夜。孤憤甘長幽。南囚可寄傲。北山早歸耒。此語君勿疑。老彭踈商周。

聞潮陽吳子野出家

子昔少年日。氣蓋里閭俠。自言似劇孟。叩門知緩急。千金已散盡。白首空四壁。烈士歎暮年。老驥悲伏櫪。妻孥真弊屣。脫棄何足惜。四大猶幻塵。衣冠矧外物。一朝發無上。顧老靈山宅。世事子如何。禪心久空寂。世間出世間。此道無兩得。故應入枯槁。習氣要除拂。丈夫生豈易。趣舍志匪石。當為師子吼。佛法無南北。呂倚夢得承事借示古今書一軸作詩代跋尾倚年八十一

楊雄老無子。馮衍終不遇。不識孔方兄。但有靈照女。家藏古今帖。墨色照箱篋。飢來據空案。一字不堪煮。枯腸五千卷。磊落相撐拄。吟為蜩蛩殼。時有鳥可句。為語里長者。德齒敬已古。如翁有幾人。薄少可時助。

補唐文宗柳公權聯句

人皆苦炎熱。我愛夏日長。薰風從南來。殿閣生微涼。一為居所移。苦樂永相忘。願言均此施。清陰分四方。宋玉對楚王。此獨大王之雄風也。庶人安得而共之。譏楚王知己而不知人也。柳公權小子與文宗聯句。有美而無箴。故為足成其篇云。

食檳榔

月照無枝林。夜棟立萬礎。眇眇雲間扇。蔭此九月暑。上有垂房子。下繞絳刺禦。風欺紫鳳矰。雨暗蒼龍乳。裂色一墮地。還以皮自煮。北客初未諳。勸食俗難阻。中虛畏泄氣。始爵或半吐。吸津得微甘。著齒隨亦苦。面目太巖冷。滋味絕媚嫵。誅彭勳可策。推轂勇宜買。瘴風作堅頑。導利時有補。藥儲固可爾。果錄詎用許。先生失膏粱。便腹委敗鼓。日啖過一粒。腸胃為所侮。蟄雷殷臍腎。藜藿腐亭午。書燈看膏盡。鉅漏歷歷數。老眼怕少睡。竟使赤觜努。渴思梅林嚙。飢念黃獨舉。柰何農經中。收此困羈旅。牛舌不餉人。一斛肯多與。乃知見本偏。但可酬惡語。

古離別送蘇伯固

三度別君來。此別真遲暮。白盡老鬚鬢。明日淮南去。酒罷月隨人。淚濕花如霧。後夜逐君還。夢繞湖邊作江路南。

次韻魯直書伯時畫王摩詰

前身陶彭澤。後身韋蘇州。欲覓王右丞。還向五字求。詩人與畫手。蘭菊芳春秋。又恐兩皆是。分身來入流。

試筆

子石如琢玉。遠煙真削鬢。入我病風手。玄雲滄淒淒。是中有何好。而我喜欲迷。既似蠟屐阮。又如鍛柳稹。醉筆得天全。宛宛天投蜺。多謝中書君。伴我此幽棲。

雷州八首

白髮坐鉤黨。南遷瀕海州。灌園以糊口。身自雜蒼頭。籬落秋暑中。碧花蔓牽牛。誰知把鋤人。舊日東陵侯。荔子無幾何。黃柑遽如許。遷臣不惜日。恣意移寒暑。層巢俯雲木。信美非吾土。草芳自有時。鴟鳩何關汝。下居近沉水。小巢依嶺岑。終日數椽間。但聞鳥遺音。爐香入幽夢。海月明孤斟。鷓鴣一枝足。所恨非故林。培塿無松柏。駕言此焉游。讀書與意會。却掃可忘憂。尺蠖以時屈。其伸亦非求。得歸良不惡。未歸且淹留。粵嶺風俗殊。有疾皆勿藥。束帶趨房祀。用史巫紛若。絃歌薦蘭栗。奴至洽觴酌。呻吟殊未央。更把鷄骨灼。

粵女市無常。所至輒成區。一日三四遷。處處售鰕魚。青裙脚不韉。臭味狻與狙。孰云風土惡。白洲生綠珠。海康臘已酉。不論冬孟仲。殺牛過鼓祭。城郭為傾動。雖非堯頒曆。自我先人用。苦笑荆楚人。嘉平臘雲夢。舊時日南郡。野女出成羣。此去尚應遠。東風已如雲。豈堪託絲布。相就通殷勤。可憐秋胡子。不過卓文君。

五色菊贈朱遜之次韻

黃華候秋節。遠自夏小正。坤裳有正色。鞠衣亦令名。一從人偽勝。遂與天力爭。易性偶一作非族。改顏隨所令。新奇既易售。稔駁宜一作相傾。疾惡逢伯厚。識真似淵明。君言我所印。世論誰敢評。願君為霜風。一洗紫與頰。

妬佳月

狂雲妬佳月。怒飛千里黑。佳月了不嗔。曾何汗潔白。爰有謫仙人。舉酒為三客。今夕偶不見。決瀾念風伯。毋煩風伯來。彼也易滅沒。支頤少待之。寒空淨無迹。粲粲黃金盤。獨照一天碧。玉繩慘無輝。玉露洗秋色。浩漭玻璃瑣。和光入胸臆。使我能永延。約君為莫逆。

追和沈遼頃贈南華詩

善哉彼上人了。知明鏡臺。歡然不我厭。肯致遠公材。莞爾無心雲。胡為出岫來。一堂安寐滅。卒歲扁蒼苔。

夢雪

殘杯失春溫。破被生夜悄。開門千山白。俯仰同一照。雖時出圭角。固自絕瑕竅。兒童勿驚怪。調汝得一笑。

雪林硯屏率魯直同賦

西山無時春。巉巖鎖頑陰。分明倚天壁。點綴無風林。物固為人出。興誰於此深。窮奇真自蠹。詩句且娛心。

次韻黃魯直亦目

誦詩得非子夏學。紉史正作丘明書。天公戲人亦薄相。略遣幻翳生明珠。賴君年來屏鮮腴。百千燈光同一如。書成自寫蠅頭表。端就君王覓鏡湖。

寄子由

吾謫海南。子由謫雷。被命即行。了不相知。至梧乃聞其尚在藤也。旦夕當追及。作詩以示之。

九疑聯綿屬衡湘。蒼梧獨在天一方。孤城吹角煙樹裡。落月未落江蒼茫。幽人拊枕坐歎息。我行忽至舜所藏。江邊父老能說子。白鬚紅頰如君長。莫嫌瓊雷隔雲海。聖恩尚許遙相望。平生學道真實意。豈與窮達俱存亡。天其以我為箕子。要與此意留要荒。他年誰與作地志。海南萬里真吾鄉。

廣州何道士衆妙堂

湛然無觀古真人。我獨觀此衆妙門。夫物芸芸各歸根。衆一作妙中得一道乃存。道人晨起開東軒。趺坐一醉扶桑暎。餘光照我玻璃盆。倒射窓几清而溫。欲收月魄殮日魂。我自日月誰吐一作吞。

南屏謙師妙於茶事。自云得之於心。應之於手。非可以言傳。學到者十月二十七日聞軾遊壽星寺。遠來設茶。作此詩贈之。

道人曉出南屏山。來試點茶三昧手。忽驚午淺兔毫斑。打作春甕鵝兒酒。天台乳花世不見。玉川風腋今安有。東坡有意續茶經。會使老謙名不朽。

琴枕

中郎不眠仰看屋。得此古椽圍尺竹。輪囷濩落非笛材。破作細琴徽軫足。流傳幾處到淵明。卧枕綸巾酒初漉。驚鸞別鶴誰復聞。鼻息齁齁自成曲。

申王畫馬圖

天寶諸王愛名馬。千金爭致華軒下。當時不獨玉花駝。飛電流雲絕瀟灑。兩坊岐薛盛與申。憑陵內廐多清新。肉駿汗血盡龍種。紫袍玉帶真天人。驪山射獵色原隰。御前急詔穿圍入。揚鞭一蹙破霜蹄。萬騎如風不能及。鷹飛兔走驚弦開。翠華按轡後天回。五家錦繡變一作造山谷。百里為餌遺織埃。青驪蜀棧兩一作西超忽。

高隼濃娥散荆棘。回首追風越日飛。一作首首連五陵佳氣春蕭瑟。

奉和成伯大雨中會客解嘲

樂事難并真實語。坐排用意多乖誤。興來取次或成懽。瓦鉤却勝黃金注。我生禍患久不擇。官為一時風雨阻。天公變化豈有常。明月行看照歸路。

和公濟飲湖上

昨夜醉歸還獨寢。曉來宿雨鳴孤枕。扁舟小棹截湖來。正見青山駁雲錦。須知老人興不淺。莫學公榮不共飲。與君歌舞樂豐年。喚取千夫食陳廩。

贈僧

道人自嫌三世將。棄家十年今始壯。玉骨猶含富貴餘。漆瞳已照人天上。去年相見古長干。衆中矯矯如翔鸞。今年過我江西寺。病瘦已作霜松寒。朱顏不辦供歲月。風月蒿火湯中雪。好問君家黃面翁。乞得摩尼照生滅。莫學王郎與支遁。臂鷹走馬憐神駿。還君畫圖君自收。不如木人騎土牛。

周教授索枸杞因以詩贈錄呈廣倅蕭大夫

鄴侯藏書手不觸。嗟我嗜書終日讀。短檠照字細如毛。怪底昏花懸兩目。扶衰賴有王母杖。名字於今掛仙錄。荒城古塹草露寒。碧葉叢低紅苜粟。春根夏苗秋著子。盡付天隨耻充腹。蘭傷桂折綠有用。爾獨何損丹其族。贈君慎勿比薏苡。採之終日不盈掬。外澤中乾非爾儔。歛藏更借秋陽曝。雞壘桔梗一稱帝。堇也雖尊等臣僕。時復論功不汝遺。異時謹事東籬菊。

次韻董夷仲茶磨

前人初用茗飲時。煮之無問葉與骨。寢窮厥味曰始用。復計其初碾方出。計盡功極至於磨。信哉智者能創物。破槽折杵向墻角。亦其遭遇有伸屈。歲久講求知處所。佳者出自衡山窟。巴蜀石工強鑄鑿。理踈性軟良可咄。予家江陵遠莫致。塵土何人為披拂。

送公為遊淮南

負米萬里緣其親。運甕無度憂其身。讀書莫學流麥士。挾策莫比亡羊人。迺翁辛苦到白首。汝今強勉當青春。昔時管鮑以君朝。此兩士賈寧非貧。

謝蘇自之惠酒

高士例須憐麴蘖。此語嘗聞退之說。我今有說殆不然。麴蘖未必高士憐。醉者墜車莊生言。全酒未若全於天。達人本自不虧缺。何暇更求全處全。景山沉迷阮籍傲。畢卓盜竊劉伶顛。貪狂嗜恠無足取。世俗喜異矜其賢。杜陵詩客尤可笑。羅列八子叅群仙。流涎露頂置不說。為問底處能逃禪。我今不飲非不飲。心月皎皎長孤圓。有時客至亦為酌。琴雖未去聊忘絃。吾宗先生有深意。百里雙罌遠將寄。且言不飲固亦高。舉世皆同吾獨異。不如同異兩俱冥。得鹿亡羊等嬉戲。決須飲此勿復辭。何用區區較醒醉。

西山戲題武昌王居士

予往在武昌西山九曲亭上。有題一句。玄鴻橫黃。櫛峴九曲亭即吳王峴山。一山皆櫛葉。其旁即元結陂湖也。黃花極盛。因為對云。皓鶴下浴紅荷湖。坐客皆笑。同請賦此詩。

江干高居堅闕扃。健耕躬稼角掛經。篙竿繫舸菰茭闥。笳鼓過軍鷄狗驚。解襟顧景各箕踞。擊劍賡歌樂舉觥。荆筴供膾愧攪臍。乾鍋更憂甘瓜羹。

戲和正甫一字韻

故居劍閣隔錦官。柑果薑蕨交荆菅。竒孤甘掛汲古綆。僂覲敢揭鉤金竿。已歸耕稼供藁桔。公貴幹蠱高巾冠。改更句格各蹇吃。姑因狡獪加間闕。王方平謂麻姑云。姑因少年。吾老矣。不復作此狡獪變化也。

池上二首

小池新鑿會天雨。一部鼓吹從何來。有蟾正碧亂草色。時酒出沒東南隈。井幹跳梁亦足樂。洞庭魚龍何有哉。能歌德嚴莫入月。清池與爾俱忘回。不作太白夢日邊。還同樂天賦池上。池上新年有荷葉。細雨魚兒噉輕浪。男兒學易不應舉。幽人一爻吾

得尚。此池便可當長江。欲傍茅齋來蕩漾。

贈仲素寺丞致仕歸隱潛山

潛山隱君七十四。紺瞳綠髮方謝事。腹中靈液變丹砂。江上幽居連福地。彭城為我駐三日。明月滿舟同一醉。丹書細字口傳訣。顧我沉迷真棄耳。年來四十髮蒼蒼。始欲求方救憔悴。他年若訪潛山居。慎勿逃人改名字。

魯直以詩餽雙井茶次韻為謝

江夏無雙種奇茗。汝陰六一諱新書。磨成不敢付僮僕。自看雪湯生幾珠。列仙之儒瘠不腴。只有病渴同相如。明年我欲東南去。畫舫何妨宿太湖。歸田錄草茶以雙井為第一。畫舫宿太湖北渚貢茶故事。

揚州以土物寄少游

鮮鯽經年秘醞醪。團臍紫蟹脂填腹。後春萼茁活如酥。先社薑芽肥勝肉。鳧子纍纍何足道。點綴盤飧亦時欲。淮南風俗事瓶罌。方法相傳竟留蓄。且同千里寄鵝毛。何用孜孜飭糜庶。

贈曇秀

白雲出山初無心。棲鳥何必戀山林。道人偶愛山水故。縱步不知湖嶺深。空巖已禮百千相。曹溪更欲瞻道像。要知水味孰冷暖。始信夢時非幻妄。袖中忽出貝葉書。中有璧月匡星珠。人間勝絕略已遍。匡廬南嶺并西湖。西湖北望三千里。大堤冉冉橫秋水。誦師佳句說南屏。瘴雲應逐秋風靡。胡為只作十日歡。杖策復尋歸路難。留師筍蕨不足道。悵望荔子何時丹。

再過泗上二首

眼明初見淮南樹。十客相逢九吳語。旅程已付夜帆風。客睡不妨背船雨。黃柑紫蟹見江海。紅稻白魚飽兒女。慙慙買酒謝船師。千里勞君勤轉櫂。

繫舟淮北兩折軸。繫舟淮南風斷橋。客行有期日月疾。歲事欲晚霜雪驕。山根浪頭作雷吼。縮手敢試舟

師箴不用燃犀照幽怪。要須拔劍斬長蛟。

贈李兕彥威秀才

魏王大瓠實五石。種成蒨落將安適。可憐公子持十牛。海上三年竟何得。先生少負不羈才。從軍數到單于臺。天山直欲三箭取。白衣將軍何人哉。夜逢怪石曾飲羽。戲中戟枝何足數。誓將馬革裹尸還。肯學班超苦兒女。封侯衛霍知幾許。老夫先生困羈旅。酒酣聊復說平生。結襪猶堪一再鼓。棄書捐劍學萬人。紈袴儒冠皆誤身。窮途政似不龜手。與世羞為西子顰。如今惟有談天口。雲夢胸中吞八九。世間萬事寄黃梁。且與先生說烏有。

次韻謝子高讀淵明傳

枯木嵌空微黠淡。古器雖在無古絃。袖中正有南風手。誰為聽之誰為傳。風流豈落正始後。甲子不數義熙前。一山黃菊平生事。無酒令人意缺然。

龐公

襄陽龐公少檢束。白髮不髡亦不俗。世所奔趨我獨棄。我已有餘彼不足。鹿門有月樹下行。虎溪無風舟上宿。不識當時捕魚客。但愛長康畫金粟。杜口如今不復言。龐公為人不由局。東西有人問老翁。為道明燈照華屋。五言七言正兒戲。三行五行亦偶爾。我性不飲只解醉。正如春風弄群卉。四十年來同幻事。老去何須別愚智。古人不仕亦不滅。我今不作亦不止。寄語悠悠世上人。浪生浪死一埃塵。洗墨無池筆無冢。聊爾作戲悅吾神。

送呂行甫司門倅河陽

結交不在久。傾蓋如平生。識子今幾日。送別亦有情。子生公相家。高義久崢嶸。天才既超詣。世故亦屢更。譬如追風驥。豈免羈與纓。念我山中人。久與麋鹿并。誤出掛世網。舉動俗所驚。歸由雖未果。已覺去就輕。河陽豈云遠。出處恐異程。便當從此別。有酒無徒傾。

食雉

雄雉曳脩尾。驚飛向日斜。空中紛格鬪。綵羽落如花。喧呼勇不顧。投網復誰嗟。百錢得一雙。新味時所佳。烹煎雜鷄鶩。爪距漫槎牙。誰知化為蜃。海上落飛鴉。

雙鳧觀在葉縣

王喬古仙子。時出觀人寰。常為漢郎吏。厭世去無還。雙鳧偶為戲。聊以驚世頑。不然神仙迹。羅網安能攀。紛紛塵埃中。銅印紆青綸。安知無隱者。竊笑彼愚姦。

郭綸州都監官滿貧不能歸今權嘉州監稅

河西猛士無人識。日暮津亭閱過船。路人但覺駟馬瘦。不知鐵槩大如椽。因言西方久不戰。截髮願作萬騎先。我當憑軾與寓目。看君飛矢射蠻獫。

初發嘉州

朝發鼓闐闐。西風獵畫旃。故鄉飄已遠。任意浩無邊。錦水細不見。蠻江清更鮮。奔騰過佛脚。曠蕩造平川。野市有禪客。釣臺尋暮烟。相期定先到。久立水潺潺。是日期鄉僧宗一會別釣魚臺下

健為王氏書樓

樹林幽翠滿山谷。樓觀突兀起江濱。云是昔人歲書處。磊落萬卷今生塵。江邊日出紅霧散。綺窓盡閣青氛氲。山猿悲嘯谷泉響。野鳥嘒嘒巖花春。借問主人今何在。被甲遠戍長苦辛。先登搏戰事斬級。區區何者為三墳。書生古亦有戰陣。葛巾羽扇揮三軍。古人不見悲世俗。回首蒼山空白雲。

過宜賓見夷中亂山

江寒晴不知。遠見山上日。朦朧含高峰。晃蕩射峭壁。橫雲忽飄散。翠樹紛歷歷。行人挹孤光。飛鳥投遠碧。蠻荒誰復愛。穠秀安可適。豈無避世士。高隱鍊精魄。誰能從之遊。路有豺虎迹。

夜泊牛口

日落江霧生。繫舟宿牛口。居民偶相聚。三四依古柳。負薪出深谷。見客喜且售。煮蔬為夜食。安識肉與酒。朔

風吹茅屋破，斜見星斗。兒女自呶憂，亦足樂且久。人生本無事，苦為世味誘。富貴耀吾前，貧賤獨難守。誰知深山子，甘與麋鹿友。置身落蠻荒，生意不自陋。今予獨何者，汲汲強奔走。

牛口見月

掩窓寐已睡，月脚垂孤光。披衣起周覽，飛露洒我裳。山川同一色，浩若涉大荒。幽懷耿不寐，四顧獨彷徨。忽憶丙申年，京邑大王霧。蔡河中夜決，橫浸國南方。車馬無復見，紛紛操棹郎。新秋忽已晴，九陌尚汪洋。龍津觀夜市，燈火亦煌煌。新月皎如畫，踈星弄寒芒。不知京國喧，謂是江湖鄉。今年牛口渚，見月重淒涼。却思舊遊處，滿陌沙塵黃。

舟中聽大人彈琴

彈琴江浦夜，漏永歛衽竊聽。獨激昂，風松瀑布已清絕。更愛玉珮敲琅璫，自從鄭衛亂雅樂。古罷殘缺世已忘，千年寥落獨琴在。有如老仙不死，閱興亡。世人不容獨反古，強以新曲求鏗鏘。微音淡弄忽變轉，數教浮脆如笙簧。無情枯木今尚爾，何況古意墮渺茫。江空月出人響絕，夜闌更請彈文王。

泊南牛口期任遵聖長官到晚不及見復來

江上有微徑，深榛煙雨埋。崎嶇欲取別，不見又重來。下馬未及語，固已慰長懷。江湖涉浩渺，安得與之偕。

江上看山

船上看山如走馬，倏忽過去數百群。前山槎牙忽變態，後嶺雜遝如驚奔。仰看微徑斜繚繞，上有行人高縹緲。舟中舉手欲與言，孤帆南去如飛鳥。

留題仙都觀

山前江水流浩浩，山上蒼蒼松柏老。舟中行客去紛紛，古今換易如秋草。空山樓觀何崢嶸，真人王遠陰長生。飛符御氣朝百靈，悟道不復誦黃庭。龍車虎駕來下迎，去如旋風搏紫清。真人厭世不回顧，世間生死如朝暮。學仙度世豈無人，滄霞絕粒長辛苦。安得獨從逍遙君，冷然乘風駕浮雲。超世無有我獨行。

屈原塔在忠州。原不當有塔於此。意者後人追思故為作之。

楚人悲屈原。千歲意未歇。精魄飄何處。父老空哽咽。至今滄江上。投飯救飢渴。遺風成競渡。猿叫楚山裂。屈原古壯士。就死意甚烈。世俗安得知。眷眷不忍決。南賓舊屬楚。山上有遺塔。應是奉佛人。恐子就淪滅。此事雖無憑。此意固已切。古人誰不死。何必較考折。名聲實無窮。富貴亦暫熱。大夫知此理。所以持死節。

西山詩和者三十餘人。再次前韻為謝。

朱顏發過如春醅。胸中黎棗初未栽。丹砂未易掃白髮。赤松却欲參黃梅。寒溪本自遠公社。白蓮翠竹依崔嵬。當時石泉照金像。神光夜發如五臺。飲泉鑒面得真意。坐視萬物皆浮埃。欲收暮景返田里。遠涉江水窮離堆。還朝豈獨羞老病。自歎才盡傾空壘。諸公渠渠若夏屋。吞吐風月清隅隈。我如廢井久不食。古甃缺落生陰苔。數詩往復相感發。汲新除舊寒光開。遙知二月春江闊。雪浪倒卷雲峰摧。石中無殷水亦靜。云何解轉空山雷。欲就諸公評此句。語一作要識憂喜何從來。頭求南宗一勺水。往與屈賈湔餘哀。

新灘

扁舟轉山曲。未至已先驚。白浪橫江起。槎牙似雪□。番番從高來。一一投澗坑。大魚不能上。暴鬣一作灘下橫。小魚散復合。淺澗如遭烹。鷓鴣不敢下。飛過兩翅輕。白鷺誇瘦捷。挿脚還欹傾。區區舟上人。薄技安敢呈。只應灘頭廟。賴此牛酒盈。

新灘阻風

北風吹寒江。來自兩山口。初聞似搖扇。漸覺平沙走。飛雲滿崑谷。舞電穿窓牖。灘下三日留。識盡灘山一作前叟。孤舟倦鷗軋。短纜困牽掣。嘗聞不終朝。今此何其久。只應留遠人。此意固亦厚。吾今幸無事。閉戶為飲酒。

昭君村

昭君本楚人。艷色照江水。楚人不敢娶。謂是漢妃家。一作子。誰知去鄉國。萬里為胡鬼。人言生女作門楣。昭君當時憂色衰。古來人事盡如此。反覆縱橫安可知。

黃牛廟

江邊石壁高無路。上有黃牛不服箱。廟前行客拜且舞。擊鼓吹簫屠白羊。山下耕牛苦磽确。兩角磨崖四蹄濕。青芻半束長苦飢。仰看黃牛安可及。

蝦蟇培

蟊背似覆孟。蟊頤如偃月。謂是月中蟊。開口吐月液。根源來甚遠。百尺蒼崖裂。當時龍破山。此水隨龍出。入江江水濁。猶作深碧色。稟受苦潔清。獨與凡水隔。豈惟煮茶好。釀酒應無敵。

留題峽州甘泉寺姜詩故居

輕舟橫江來。弔古悲純孝。逶迤尋遠迹。婉孌見遺貌。清泉不可挹。涸盡空石窖。古人飄何之。唯有風竹開。行翫村落。戶戶懸網罩。民風坦和平。開戶夜無鈔。叢林富笋茹。平野絕虎豹。嗟哉此樂鄉。無乃姜子教。

寄題清溪寺在峽州鬼谷子之故居

口舌安足恃。韓非死說難。自知不可用。鬼谷乃真姦。遺書今未亡。小數不足觀。秦儀固新學。見利不知患。嗟時無桓文。使彼二子顛。死敗無足恠。夫子固使然。君看巧更窮。不若愚自安。遺宮若有神。領首然吾言。

赴嶺表過金陵蔣山泉老召食阻雨不及往

今日江頭天色惡。礮車雲起風雨一作欲。獨望鍾山叫寶公。雲間白塔如孤鶴。寶公骨冷叫不聞。却有老泉來喚人。電眸虎齒霹靂舌。為余吹散千峰雲。南行萬里亦何事。一酌曹溪知水味。他年若畫蔣山圖。為作泉公喚居士。

荆門惠泉

泉源後高來。走下隨石脉。紛紛白沫亂。隱隱蒼崖折。縈回成曲沼。清澈見肝膈。溌瀉為長溪。奔駛蕩蛙蝮。初開不容挽。漸去已如帛。傳聞此山中。神物懶一作懶。遭謫不能致雷雨。灑灑吐寒碧。遂令山前人。千古灌稻麥。

次韻荅荆門張都官維見和惠泉詩